

JEHOVAH Auxiliante.
 EX CONSENSU AMPLISS. SENAT. PHILOSOPH.
 IN REGIO FENNORUM LYCEO,
 DISSERTATIONEM PHYSICO-BIBLICAM

DE
A R E N A
 NON
NUMERANDA
OCCASIONE DICTI,

Genes. XXXII: 12.

Sub UMBONE,

MAXIME REVERENDI aique CELEBERRIMI VIRI

D:NI J A C O B I
G A D O L I N ,

S. S. Theol. DOCTOR. & Scient. Natur. PROFESS.

Reg. & Ord. nec non Acad. Scient. Holm. MEMBRI,

Pro consequendis honoribus in Philosoph. Summis

Benigne Eruditorum Disquisitioni offert

S A M U E L A. S A L O V I U S ,

AUSTRO-FENNO,

IN AUDITORIO SUPERIORI V. D. DIE ~~XIV.~~ OCTOBRE,

ANNI R. S. MDCCCLIX,

H. A. M. C.

ABOÆ, Impressit Direct. & Typogr. Reg. Magn. Duc.
 Finland. JACOB MERCKELL.

Herr Col: Physicæ

VIRO Maxime Reverendo atque Celeberrimo,
D: NO MAG. JACOBO
HAARTMAN,
Philosop. & Histor. Lit. PROFESSORI REG. & EXTRA-
ORDINARIO.

VIRO Admodum Reverendo atque Praeclarissimo,
D: NO MAG. GUSTAVO
HAARTMAN,
Ecclesiarum quæ Christo in Loimjoki & Alastaro con-
gregantur PRÆPOSITO & PASTORI
Gravissimo.

Avunculorum loco summa animi venera-

IGnoscite PATRONI & FAUTORES propeusissimi,
causas fuerim; his namque proprio destitutis lumine
ri potui. Allexit me tam favor ille eximius atque
letis, cuiusque in me perplurima exstare voluistis docu-
na Domo conjuncti estis. Humillimus igitur oro atque ob-
basce pagellas, in obstrictissimæ mentis arrham oblatas se-
vore VESTRO amplecti. Meum erit, nunquam non pre-
Nominis Gloriam, Ecclesiæ & Reipublicæ usus magnos,

N O M I N U M

Cultor hu-
SAMUEL A.

VIRO Admodum Reverendo atque Praeclarissimo,
D: NO MAG. JACOBO
HAARTMAN,

Ecclesiarum quæ DEO in Wörå, Oravais & Maxmo col-
liguntur, ANTISTITI Celebratissimo & Adjacentis
Contractus PRÆPOSITO Adcuratissimo.

VIRO Amplissimo atque Experiensissimo,
D: NO DOCT. JOHANNI
HAARTMAN,
MEDICO PROVINCIALI per Ditionem Aboënsim,
maxime inclyto.

tione æternum colendis, prosequendis.

quod lucubrationes basce levissimas VOBIS consecrare
splendorem non nisi a NOMINIBUS VESTRIS mutua-
singularis, quo litteras, earumque cultores amplecti so-
menta, quam vinculum consanguinitatis, quo cum Pater-
testor dignemini, PATRONI & FAUTORES, incomtas
rena adspicere fronte, meque in posterum ut bactenus fa-
cibus affiduis Numen sollicitare Supremum, ut VOS, in suis
quam diutissime Salvos & sospites esse jubeat. Sic optat

VESTRORUM

millimus,
SALOVIUS.

VIRO Spectatissimo
D.^{NO} JOHANNI SALOVIO,
Oeconomie - Commissario pervaigili.

VIRIS Prastantissimis
D.^{NO} GUSTAVO HAARTMAN,
Et
D.^{NO} JACOBO HAARTMAN,
Patruo & Avunculis Optimis.

Quum mibi fata nibil dederint, quo Vestra rependam
Munera, mens horret, nescia consilii.
Reficitote tamen vultu mea dona benigno,
Magnis pro meritis, qui pius esse volo.
Parva quidem fateor, sed est & gratia parvis,
Si pretium acceptis, vos, faciles cupitis
Addere, nec tenuis chartæ contemnere fasces.
Hoc decus est vobis. Hic stimulus mibimet.
Vivite vos salvi, felices, atque beati,
Nestoris & faustos, annumentate dies!
Haec precor, huic voto semper DEus Optimus aures
Præbeat, & justum pondus habere finat!

Sic votet

ESTER

Indefessus cultor,
SAMUEL A. SALOVIUS.

I. N. J.



Uere olim, qui Mathematicam rerum naturalium aestimationem, ceu proximum ad atheismum gradum, odio & calumniis prosequi justum existimarunt. Hi vero non cogitarunt DEum O. M. omnia numero & mensura fecisse; Eundem ex operibus suis cognoscendum esse; opera vero, nisi justa lance ponderentur, Auctorem lucis, uti oportet, luculenter non commonstrare, Ejusdemque gloriam illustrare; contra vero, res divinas penitus perspectas abyssum perfectionum divinarum pandere, vividissimaque ac proinde omni exceptione majora pietatis motiva suppeditare. Veritas asserti multo adhuc evidentius exinde commonstratur, quod Sacra Oracula frequenter citent admiranda naturae phænomena, ceu indicia ac testimonia

A

monia

monia Majestatis divinæ, immo sæpe etiam adhibeant res physicas, utpote in sensus nostros incurrentes atque notas, saltem quoad partem cognoscibiles, ad explicandas quodammodo res spirituales abstrusas captum humanum superantes. Quemadmodum namque nostri interest, profundissima animi veneratione ubique prosequi atque complecti misericordiam Summi Numinis, infirmitatem nostram abundantissimis gratiæ suæ inexhaustæ divitiis sublevantis; sic quoque necesse est, ut præcipuum attentionem adhibeamus iis in primis rebus, quibus velut indice digito clementiæ divinæ specialissima documenta nobis demonstrata aut depicta voluit Sanctissimus Auctor Sacrae Paginæ. In hunc censum venit arena maris, quæ in Sacra Scriptura passim, tanquam res innumerabilis nuncupari atque ad designandam promissorum exhibitorumve beneficiorum divinorum uberrima benedictione multiplicatorum, innumerabilitatem adhiberi solet, & quidem sæpe tanta cum emphasi, ut stante aut cadente hacce innumerabilitate arenæ, ipsam veritatem fidemque verbi divini stare aut cadere haud obscure indicetur. Proinde non levis, ne dum indifferens existimanda est disquisitio, utrum arena, posito calculo, numeris definiri, an vero omnia numerorum frena recusare censenda sit. Cœca enim fides neque DEO placet, neque hominem rationalem decet, sed eo potius omnibus viribus eniti oportet, ut, dissipatis omnium dissensuum nebulis.

3

sis tenebris, quam plenissime perspiciamus a
micissimam harmoniam inter utraque principiata
ex communi principio pendentia, seu revelatas
atque vi luminis naturalis detectas veritates ex
uno eodemque omnis veritatis fonte limpidissimo
profluentes. Si vero a qua parte Philosophiae pe-
riculi quid sacrationibus dogmatis imminere posse
videatur, a Mathesi male percepta maxime id fie-
ri vel exinde patet, quod hæc disciplina methodi
rigore palmam reliquis dudum præripuerit, ideo-
que in casu quodam speciali, etiamsi error in re
ipsa lateat, vel solo methodi apparatu externo,
incautis facile imponere queat; sic namque fert
conditio humana, ut rei optimæ pessimis quando-
que fiat abusus. Quod ad exemplum arenæ innu-
meræ; notum est illustrissimum Mathematicum
Archimedem Syracusanum conscripsisse tractatum,
brevem quidem, sed profunde eruditio[n]is plenum,
qui ΨΑΜΜΙΤΗΣ, latine *Arenarius*, inscribitur, in
quo illos simul aggreditur atque expugnat, qui
vel infinitum esse numerum arenæ sentiunt, vel
præsumunt saltem, non esse tantum ullum nume-
rum nomine insignitum, qui illius superet multi-
tudinem. Hic vero non illam solum arenam,
quaë Syracusas reliquamque Siciliam, sed & regio-
nem omnem qua inhabitatam, qua non inhabita-
tam adjacet, ad calculos vocat; immo id agit,
ut demonstrationibus ostendat Geometricis, inter
numeratos, qui per principia a semet ipso posita
nomenclaturam sortiti sunt, eos esse, qui nume-

rum superent, non modo illius arenæ, quæ telurem repletam æquet magnitudine, sed & quæ magnitudine æquet sphærām siderum inerrantium. Nihil jam refert, quasnam adhibuerit Archimedes hypotheses veterum Astrologorum, ad definiendam magnitudinem sive globi terrauei sive totius sphæræ mundanæ; etiamsi enim ponatur rem acu non tetigisse, salvus tamen est, siquidem principia ab ipso posita & vera sunt, & ad quasvis hypotheses astronomicas similiter applicari possunt; (a) quin immo caufsa sua non excidit, etiamsi distantiam fixarum nec dum penitus cognitam esse concedamus. Hæc itaque dissensuum apparentia, ceteraque, quæ de arena proponi solent problemata, nobis altera jam vice in arenam disputatoriam publicam conscentibus materiam subministrarunt, in qua ingenii vires qualescumque experiremur. Quocirca Temet Benevole Lector enixe rogamus, velis innoxia nostra conamina, pro candore & humanitate Tua, contra omnes sinistre de quavis re judicantes defendere, & quæ heic deficere reperias benevole supplere, ad minimum nos excusatos habere, quod in ardua hac materia Tuo desiderio non valuerimus satisfacere.

(a) *Edu. Bernardus in Archimedis Arenarium:*

"Constatum ex misis Epicurus credidit orbem,

"Maximaque in rebus polline creta leví.

"Verum atomos, quot serra capit, quot inania cœlē

"Dicere ut ex numero granula nulla cadant.

"Hoc opus, hoc comiti superat Doctoris acumen,

"Parque Syracuso calculus ingenio est.

Joh. Wallini Oper. Math. Vol. III. pag. 512.

§. I.

Quid per arenam intelligatar, crediderim omnibus patere, cum ipsi etiam vulgo notissima sit. Ne tamen dissertatiuncula nostra plane amethodos videatur, paucis de eadem in genere dicemus. Est itaque arena de genere corporum mineralium, quam pulverem lapidum haud incongrue dixeris. Dicitur arena, quod areat, itemque harena, quod hæreat in superficiebus aliorum corporum, illorum maxime, quæ inæqualia & aspera sunt. (b) Proinde est arena congesta quædam moles seu multitudo particularum non cohærentium, sed separatarum; est tactu dura, arida atque aspera: quæ in aqua neque solvitur, neque emollitur; microscopiis examinata arena, si purissima fuerit, crystallos pellucidas, exigwas, polyedras, variæ magnitudinis & formæ conspicendas præbet. (c) Est arena, quasi medio loco inter terras & lapides. Arena a commixta terra immunis vix ullibi reperitur: constat hæc plerumque ex particulis majoribus, quæ instar lapillorum exiguorum & visu & tactu facillime distingvuntur: & dantur quoque species arenæ adeo pertenues, ut primo intuitu vix appareat illas quicquam lapidei continere, siquidem ob stupendam exilitatem speciem terræ mentiuntur. (d) Quod præterea attinet

ad variam naturam speciesque arenarum, ejus quidem rei pervestigatio, utpote non pertinens ad scopum nostrum, a Lectore harum rerum cupido apud Mineralogos inveniri potest. Nobis vero id potius monendum est, quod arena in omnibus fere orbis locis immanni quantitate occurrit. Per communem quippe experientiam constat, eandem supra terræ superficiem reperiri, non modo in altissimis montium cacuminibus, verum etiam in convallibus campisque ubique fere abundare. Immo sœpissime spectantium oculis subjiciuntur integri montes arenosi. Testantur hoc scripta Geographorum, Historicorum, atque itineraria varia. Sic tota Africa arenarum montibus scatere perhibetur. In Biledulgerid, deserto zara aliisque ingentibus terræ tractibus procellarum vi arena huc illicet movetur, atque in prægrandes cumulos montesque fluctuum Oceani formam habentes coacervatur, haud secus ac copiam nivis tempore hyemali in nostris regionibus septentrionalibus agitari & coacervari videmus. Regnat in hisce locis calor solis intensissimus aquarum contra fontes rarissimi sunt; hinc maximo cum incolarum incommodo accidit puteos fontesque, siquidem ibi occurrant, sœpissime arena obrui. (e) Inter maximas hujusmodi solitudines arenosas varii generis feræ, & præsertim Elephantes habitant. (f) Hinc, qui ex occidentissima Africæ parte Meccam usque peregrinantur, religionis oestro perciti, summa locorum molestia premuntur, dum per deserta inhabita-

habitata, arena ardente repleta, penetrare co-guntur. (g) Quid? quod in ipsa fertilissima Ægypto *Hasselqvistius* noster commemorat solum steri-le, siccum & arenosum occurrere. (h) Immo quis ignorat, ingentem copiam arenæ etiam in Patria nostra obviam esse. Sic constat in Skania & Bohusia ab glarea mobilissima seu arena volatili majoribus terræ tractibus haud leve periculum imminere, atque huic ingruenti malo ab illis, quorum interest, maxima cum cura medelam ad-ferri. (i) De reliquis arenæ speciebus per o-mnes provincias patriæ occurrentibus superfluum videtur specialiter quidquam commemorare. Hæc breviter allata luculenter testantur, arenam stu-penda multitudine in superficie globi hujus terra-quei dari. Paucis jam indicandum est arenam etiam in amnibus, fluminibus, lacubus & ipso O-ceano plane incredibili inveniri copia, quæ ma-ximo damno navigantibus sàpissime sunt. Sic cir-ca Jutiæ promontorium Schager Rack navigatio admodum periculosa est, propter syrtes montesque arenarum. (k) Juxta Bataviam in mare Germani-co etiam multæ syrtes, (*Dunen*) occurunt. (l) Ostia fluvii Nili arena substerni novimus. (m) Pa-riter Virgilius memorat littora Libyæ arenosa. (n) Sed non solum datur arena in locis supraterre-sribus, verum etiam intra sinum terræ; etenim in hac altius perfossa fere semper, arena tenuissi-ma aqua commixta (*quellen*) invenitur. Hinc nonnulli Chemicorum arenam hanc pro totius globi

globi terrauei basi & percolandarum aquarum
instrumento habuere. (o)

(b) Confer sis Basil. *Fabr. Thesaur.* Erud. Schol. in Titul. Arenæ. (c) Vide *Wallerii Mineralog.* §. 23. Linnei Syst. Nat. Reg. Lap. Ord. 50. Et *Bærhav.* Elem. Chem. T. I. p. m. 555. (d) Conf. *Wallerii Min.* §. 23. p. 30. (e) Vid. *Hager* in *Geograph.* Tom. 3. pag. 787, 789. (f) *Hager* T. 3. p. 817. (g) Vid. *Hasselqvists Niese* beskrifning, p. 90. (h) Idem p. 74. (i) Tunelds *Geograph.* öfver Sverige, om Skåne. § Bar. Härlemans Dagsbok, p. 51. leg. hæc verba: "De häromkring (*Engelholm*) "af Glyg-sand förr förstörde fältet, åro, ifrån några "år tilbaka, genom den nu mera här så bekante Sand- "hafrans föende, samt fredande för Boskap, til en del "blefne råddade. Det öfriga bårgas och dageligen, "förmest den myckna nit och berömwärde försorg, ic. p. 26. "Värmare til *Maltesholm*, begynner Jordmonen "blifwa nog Sandig; och lärda ågarne ej kunna undgå "den olägenhet, som en af Wådret retad fin Sand, på "en nu mera, efter den utödde Skogen så öppen blef "wen rymd, nödwändigt måste försaka, därrest Träns "föende och plantering, samt därav följande lugn och "stygđ ej snart emellantkomma." (k) *Hager* T. 3. p. 47. (l) Idem T. I. p. 797. (m) *Hasselqvists Niese* p. 66. (n) Ån. 4. p. 157. (o) Conf. *Wallerii Miner.* §. 25. pag. 31.

§. II.

Porro neque a proposito alienum ducimus, de usu arenæ verbo uno alterove disquirere. Habet arena multifarium usum in re oeconomica communi; utimur e. g. arena ad emaculanda, mundan-

mundanda poliendave varia supellectilia stannea,
 ænea, ferrea & lignea, prouti usus vulgaris opti-
 me condocet. Præstat arena usum eximum in
 vari generis radicibus esculentis, contra hyemis
 sævitiam, conservandis. In agricultura arena in-
 servit agris durioribus argillaceis temperandis ma-
 cerandisque. (p) Quid? quod loca arenosa ari-
 disima, non obstante arena in prata fructuosissi-
 ma, excoli possint. (q) Colles arenosi loca ha-
 bitationis saluberrima mortalibus subministrant.
 (r) Inæstimabilis est ejus usus in architectura:
 Murorum artifices, in ædificandis ædibus lapi-
 deis, illa vix ac ne vix quidem carere possunt:
 immo ipsa materia, ex qua ejusmodi ædificia con-
 fici solet, plerumque constat lateribus, qui ex hac
 & argilla coqvuntur. Qui fusorias artes exercent
 etiam summopere egent arena, ad formas varia-
 rum rerum fundendarum parandas. Fabri ferrarii
 illa utuntur ad ferrum eo citius ductile efficien-
 dum, ne igne exuratur. Inservit quoque arena
 formandis poliendisque lentibus vitreis, e quibus
 microscopia variique tubi optici construuntur;
 quis autem ignorat quantam lucem horum instru-
 mentorum ope fœneratae sint Scientiæ Naturales.
 Ex arena vitrescente & sale alcalino colliquatis
 conficiuntur vitra vari generis, quæ ars recentio-
 ris non est ætatis sed ab antiquissimis inde tem-
 poribus jam cognita. (s) Datur quoque species
 quædam arenæ, ex qua aurum parari novimus,
 quam ob rem quoque arena audit aurea. Atte-

stantur hoc passim Geographi. De flumine namque *Maritza* in Romania constat, quod ibi inventiatur arena aurea. (t) Item, de *Adrano* in Hes-
sia: (u) *Tago* in Portugallia: (x) de *Oro* in Hi-
spania: (y) *Pactalo* in Natolia: (z) nec non de
fluminibus in China, in quibus insigni multitudi-
ne arena datur aurea. (a) Præterea adest quoque
arena ferrea pluribus in locis, ex qua ferrum con-
fici potest. Nec arena usu destituitur medicinali;
ne quid dicamus jam de illo usu, qui artem redol-
let. Sufficiat verbo nominasse, quod plebeji ho-
mines febri frigida laborantes, in quibusdam Fin-
landiæ nostræ locis soleant cum aqua aut vino
combusto sumere cochleare unum arenæ, aut paulo
plus pro ratione ægroti; quod medicamentum
optatum effectum haud raro præstare dicunt. Im-
mo utuntur quoque hac ad leniendum dolorem
dentium sequenti modo: calefaciunt primo are-
nam, deinde linteamini implicatam maxillæ impo-
nunt, ubi dolorem sentiunt acerrimum. Ulterius
est arena habitaculum multorum Insectorum. (b)
Crocodilis arena admodum est commoda; quippe
in hac, adjuvante calore solis ova sua excludunt:
multæ quoque aves ibi nidos exstruunt, in quibus
ova sua ponunt excluduntque; immo ipsa arena
vescuntur. (c) Aquæ pluviae deciduae in altioribus
terræ locis arenosis, per arenam percolantur, do-
nec post varios meatus lento pergentibus gradu
occurrat stratum firmius lapideum vel argillaceum,
unde collectæ tandem invento exitu, in fontes pu-
teos-

teosque prosiliunt. Hinc patet arenis id deberil, quod infra montes arenosos limpidissimæ scaturigines emicent. Hac eadem in re naturam ars imitatur, dum nonnulli solent per arenam percolando purificare aquam putrefactam vel particulis heterogeneis corruptam; immo doliis cerevisiæ immissa quædam portio arenæ purissimæ, accelerata præcipitatione particularum heterogenearum, generosiorem reddere liquorem probatum est. Adhæc non minima ejus utilitas exinde elucet, quod in locis intra Zonam torridam, satis vehementer calefacta, haud parum, ventis perpetuis aut periodicis generandis inserviat. (d) Est quoque usus arenæ haud exiguuus in eo, quod sit regionibus inferius jacentibus instar propugnaculi constitutentis terminos elevationibus lacubus maribusque, ultra quos fluctibus suis frementibus progredi nequeant. Hujus rei exemplum clarissimum ante oculos ponit Batavia, ubi solum sæpenumero inferius est mari adjacente. Huc spectant effata Majestatis plenissima, *Jer. V: 21, 22.* & *Job. XXXVIII: 31.* (e)

(p) Conf. Baron *Brauners* Tänkar om Åker och Ång, §. 3. p. 77. Et *Carl Gust. Bojes* Förfarna Svenska Landhus-hållare, om Åker, §. 3. p. 198. Nec non *Lessers* Lithotheolog. p. 450. (q) Vid. *Jonas Appelblads* Rese-beskrifn. öfver Pommern och Brandenburg, p. 32 & 33. (r) Ejusdem p. 71. (s) *Plinius* in Hist. Nat. L. XXXVI. c. 26. artem vitrariam casu inventam esse hunc in modum refert: "Fama est, appulsa nave mercatorum nitri, (scil. ad Phæni-

Phanicem, quæ est pars Syriae finitima Iudeæ,) cum pars
 "per littus epulas pararent, nec esset cortinæ attollendis lapidum
 "occasio, glebas nleri e nave subdidisse: quibus accessis permista
 "barena littoris, translucentes nobilis liquoris fluxisse rivos, &
 "hanc fuisse originem vitri. Mox ut est astuta & ingeniosa so-
 "certia, non fuit contenta nitrum miscuisse." Hinc Starkius
 in Synopsi Bibliothæ Exegeticæ aliisque, commemoratis
 Deut. XXXIII: 19. absconditis thesauris arenæ, quibus Se-
 bulonis tribum macte esse afferuit Moses, etiam vitra pre-
 ciosissima ex arena ibidem fundi solita comprehendendi volunt:
 (r) Conf. Hager, T. 3. p. 334. (u) Ejusdem T. 2. p.
 503. (x) Tom. I. p. 112. (y) T. I. p. 225. (z)
 Tom. 3. p. 467. (a) T. 3. p. 667. (b) Vid. Hassels
 quæsts Æreæ-beskrift. p. 77, 78, 99 & 100. ubi quæstio illa
 solvitur: Hvar til tienar en wild öfn, fyldt med brannande
 Sand? (c) Conf. Lessers Litho-theolog. p. 44. (d)
 Conf. Pet. van Musschenbroeckii Physica, vers. Svec. p. 547.
 Et G. W. Kraftii Physica, part. III. p. 395. (e) Vid.
 Bernh. Nieuwentyt, von dem rechten gebrauch der Welt-be-
 schauung, pag. 427.

§. III.

AD ulteriora progradientibus nobis occurrit
 quæstio: Unde in littoribus maris ipsoque
 mari tantæ sint collectiones arenarum? qua de re
 non convenit inter eruditos. Sunt, qui aquam
 maris in arenam mutari existimant: alii contra
 penitus hoc negant. Utriusque partis argumenta
 breviter adducemus. Illi suam sententiam his cor-
 roborare fatagunt rationibus; quod aqua per re-
 petitas destillationes mutata fuerit in terram si-
 xam,

xam, ut a Boileo experimentis comprobatum asseritur; unde concludunt etiam in arenam simili-
ter converti posse. Deinde ipso quoque facto de-
prehensum esse urgent, quod aqua destillata, re-
liquerit arenam, etiamsi illam antea in se non
continuerit. Sic Robertus Hook in primis existimat,
quod aquæ sua sponte abire possint in lapidosam
substantiam, in aquam aliqua arte nunc cognita
vix reducibilem; quia non solum in fundo omni-
um fluminum & aquarum fluentium ingens repe-
ritur arenæ quantitas, cuius figura & transparen-
tia microscopiis examinata originem ex aqua mon-
stret; sed etiam aqua marina, si evaporetur, are-
nam relinquit, utut ab ea prorsus libera exstite-
rit; & præterea aqua quælibet per crebras destilla-
tiones, in calcem albam & insipidam, in aquam
non rufus resolubilem, convertitur. Provocat
ulterius ad Kirckerum, qui in Mundo subterraneo
herbas intra aquam crescentes, extirpatas, in la-
pidem abivisse, perhibet. (f) Johannes Collinus in
tractatu de sale & piscatura, refert & affirmat,
copiam arenæ, quæ præter salem in omni muria,
sive ea fontium sit, sive maris, sive salis soluti,
invenitur, a coctione esse, nec antea in liquore
contineri; siquidem repetitis experimentis, com-
probatum dicitat, falsuginem per linte Hollandica
octuplicata actam, ne minima quidem vestigia are-
næ in filtro reliquisse. Porro Robertus Plot Medi-
næ Doctor Oxoniensis repetito experimento Colli-
ni licet præter pauxillum nigricantis pulvifculi, in

linteis nihil remansisset, tamen post muriæ cōctionem, arenam inde provenientem salem sexta parte excessisse affirmat. (g) Ex his aliisque argumentis arenam ab aqua maris generari, & deinde undarum vi ad littora projici ac colligi concludunt. Alii contra vel negant vel in dubium revocant, quæ sic adstruntur. Se quidem fatentur haud scire, qualis arenæ origo prima fuerit; atque etiamsi Creatori, a mare sic dicto chaotico, materiae lapideæ partem, quæ formam præ se ferret arenæ, segregare placuisse, inde tamen minime sequi, mare etiamnum sua sponte crystallisare arenam putant. Ulterius instant, quod cum compertum sit, arenam particulis constare quartzosis & spatosis aliisque cujuscunque generis lapideis, varia materia metallica fæpiuscule imprægnatis aut tinctis; arenæ crystallisationem ex aqua concedi non posse, nisi experimentis indubiis demonstratur omnem ejusmodi materiam itidem ex aqua elementari produci posse, quod quidem hactenus evitatum haud est. (h) Quod denique attinet experimenta a contraria parte citata, horum quidem fidem in dubium revocat accuratissimus experimentator *Bærhavius*, afferens neque *Boileum* ipsummet experimenta sua perfecisse, sed aliorum fide, qua plurimam partem recitasse; neque facile evitari posse, quin in difficillimis hisce laborum periculis, dolose se insinuent aliena inter operandum. (i)

(f) Conf. *Nieuwentyt* in citato Libr. pag. 380 & 381.
Newtons Optica, p. 302. Quæst. XXX. Item *Acta Lipsiensia*,
 f. 1,

(a) A. 1707. p. 154. (g) Acta Lips. A. 1684. p. 244.
 (b) Conf. Bisshop Browallii Betänkande om Wattuminne-
 gen, §. 81 -- 87. & multa alia loca, quæ de hac re quam
 proxime agunt. (i) Vid. Boerhav. Elem. Chem. pag. m.
 126.

§. IV.

SIC leviter prolatis argumentis contradicentium,
 quid nobis de hac re videatur, paucis indigi-
 tandum; prius vero quam id fiat, referendum oc-
 currit, sequens a Clariss. Reg. Arc. Holm. Archi-
 tecto DANIELE TUNBERG pulcerrime institutum
 experimentum. Hic, dum, muniendis urbe Hel-
 singforssia adjacentibusque insulis, variis iisdemque
 plane eximiis artificiis mechanicis vacabat, cupam
 prægrandem ædificavit & illi varias terræ species
 obvias, utpote argillam, humum &c. item are-
 nam lapidesque majores & minores, quos ad ma-
 nus habere potuit, & quidem hæc cuncta confuse
 seu absque certo ordine, ad determinatam quan-
 dam altitudinem injectit, ita tamen ut a parietibus
 cupæ undique medium versus inclinaret superficies
 materiae injectæ; huic eidem aquam, ea tamen cum
 cautione, ne materia injecta, loco deturbaretur,
 superauerit, eademque cupam tantum non imple-
 vit. Deinde e ligno confecit embolum, qui habe-
 bat figuram pyramidis truncatæ, & basin multo
 minorem basi cupæ; hunc embolum parte trunca-
 ta deorsum conversa, ope machinæ, cui affigebat-
 tur, in aqua sursum deorsumque agitari fecit, ita
 tamen,

tamen, ut materiam primo injectam nusquam embolus attingeret. Aqua sic agitata commovebatur, adeo ut fluctus circum embolum, cuius centrum centro cupæ semper imminebat, excitati versus latera cupæ propagarentur, atque ab iisdem rursus versus centrum resilirent, insequentibusque fluctibus occurrerent; hac vero agitatione per aliquot horas continuata, per totidem horas machinam quiescere fecit, ex quo fiebat, ut aqua itidem quieti suæ restitueretur. Porro continuatis his vicibus movendi & quiescendi per plures dies, tandem, demto embolo, aquam per biduum stagnare sivit, quo haberet materia, per crebras vehementioresque agitationes aquæ immixta, tempus subsidendi sufficiens. Tum vero aquam siphonis ope lente subtraxit, atque observavit tenuissimam humum atque argillam, in cavitate illa loco medio facta, graviorem vero, ut arenam loco proxime insequenti circumcirca, & lapillos lapidesque maiores in extima sedimentorum peripheria juxta cupæ latera substituisse. Ex hoc experientio certissime patescit, qua ratione arena in littoribus maris suboriri potuerit; quod nimirum fluctus maris, arenam, argillam & humum segregant, & sua unicuique seorsim parent loca, agitatione continuata & intermissa. (k) Huic rei etiam maxime consentaneum est phænomenon illud vulgare; quod nimirum ea littora ceteris paribus, arena repleta inveniantur, in quibus undæ accessu & recessu suo, maximam exercere valent violenciam:

tiam: contra autem quieti, & ventis non exposi-
 ti sinus maris, argilla obiecti sint. Quod itaque
 attinet controversiam de ortu arenæ marinæ, de
 ea nos quidem, quod præfiscine dixerimus, sic ju-
 dicamus, scilicet quod verum quidem sit aquam
 maris varia sua agitatione separandis colligendis-
 que arenis inservire; utrum vero a semet ipsa quo-
 que deponat arenam, per modum crystallisationis,
 id utique incertum esse. Quod enim ad allata
 exempla destillationum; salvo experimentatorum
 honore, si agatur de re nova & paradoxa, semper
 licitum esse existimamus suspendere judicium, do-
 nec aut ipsimet habeamus occasionem ejusmodi
 experimenta repetendo examinare, aut aliorum
 fide dignorum plurium experimentatorum testimo-
 niis concordibus probentur. Præterea etiamsi po-
 natur verum esse, quod aqua, ab omni arena
 immunis, sæpius destillata in arenam convertatur;
 exinde tamen mox non sequitur idem in alveo
 maris quoque necessario obtinere, siquidem pro
 diversa ratione graduum caloris aliarumque cir-
 cumstantiarum, effectus diversissimos semper fere
 provenire quilibet vel minimum experimentis fa-
 ciendis adsuetactus facile percipiet. Denique ni-
 hil tamen absurdum ex hac præcise hypothesi, qua
 aqua marina arenam deponere singitur, concludi
 posse videtur. Præter has jam allatas sententias
 oppositas, succurrit nobis quoque illa *Leibnitii* sta-
 tuentis in primo & generali lucis & tenebra-
 rum divertio Mosaico maximam partem igne

conflagrassæ, ejus conflagrationis documenta esse
vult vitra naturalia & arenas; de hac autem opi-
nione paradoxotata nihil attinet jam dicere. (l)

(k) Plinius loco cit. "Harenæ maris fluctibus volutata ni-
tescunt, detritis sordibus." (l) Conf. ejusdem Protog.
in Actis Lips. 1693.

§. V.

Innuimus §. I. immanem arenarum quantitatem
fere ubique loci occurrere. Neque vero id so-
lum patet ex montibus arenosis in terra sicca ob-
viis, verum etiam ex illis arenarum molibus, quæ
in littoribus maris conspiciuntur. Et quidem eo
magis obstupescit animus, dum arenam littoralem
adspicit atque æstimare annititur, quo evidentius
percipit visum ne quidem ad æstimandam vasti
maris magnitudinem, ne dum ad numerum arenæ
comprehendendum sibi in littore sito sufficere.
Atque hinc procul dubio factum est, ut antiquitus
jam res quælibet, quæ pro innumerabilibus haben-
tur, cum arena maris comparatae fuerint. Occur-
runt tales loquendi formulæ saepissime apud auto-
res Sacros. Ex his adducendum iam est dictum
in rubro citatum, Gen. XXXII: 12. חיטכ איטיב אפנ
ושמתי אתה זרעך כחול חיים אשר לא יספר מרב:
Vertente Shmidio: Benefaciendo benefaciam tibi, &
ponam semen tuum sicut arenam maris, quæ non
numeratur præ multitudine: Luther: Ich wil dir
wohl thun / und deinen Samen machen wie den Sand
am Meer / den man nicht zählen kan vor der menge.

Svetb.

Sveth. Jag wil gjöra dig godt / och gjöra din Såd /
 som Sanden i Hafswet / then så mycken år / at han ej
 kan räknas. Fennice: Minä teen casketi sinulle hyväät:
 ja lisän sinun Siemenes nähneuin Sannan Merejä / jo-
 ta paljouden tähden ei suetta taita. Huic loco, ob
 parallelismum, adjungimus ex Epistola ad Ebros,
 c. XI: 12. οὐδὲ καὶ ἀφ' εἰνὸς ἐγενῆθνοι, καὶ ταῦτα νενεκρω-
 πέντε, καθὼς τὰ ἄστρα τὸν διεργάτην τῷ τολμήτῃ, καὶ ωτὶ με-
 μένοι ἡ ταραχὴ τὸ χεῖλό. της Γαλάσους ἡ αραράθινη. Ex
 interpretatione Schmidii: --- Et sicut arena ad littus
 maris, quæ est innumerabilis: Lutheri: --- Und wie der
 Sand am Rande des Meers / der unzählig ist: Sveth. ---
 Och som Sanden är i Hafssstrandene / then otalig är:
 Fennice: --- Ja nähneuin Sandaa Mieren Rannasa / joca
 epälucuinen on. His similia occurunt, Gen. XIII:
 16. XXII: 17. XXVIII: 14. Ef. X: 22. XLVIII: 19. Jer.
 XXXIII: 22. Rom. IX: 27. &c. quorum sensus eo re-
 edit, quod quemadmodum numerari non possunt,
 nec pulvis terræ, nec sidera cœli, nec arena maris,
 ita neque semen Abrahami numerari poterit. Ne-
 que solum de Israëlitis secundum carnem hæc in-
 numerabilitas prædicatur, verum etiam de Israële
 spirituali, seu quibusvis in universum gentibus, fi-
 de salvifica in unam Ecclesiam colligendis. Hos. I:
 10. Quo autem evidentius patescat ratio hujus in-
 numerabilitatis, notandum est, plurima dari loca
 Scripturæ, in quibus per numerum arenæ aliarum
 quoque rerum multitudo, ceu inæstimabilis com-
 monstratur. Proinde ex diversa rerum indole, quo
 respectu arena innumerabilis dicatur, dispiciendum

erit. Sic David dum cogitationes divinas, seu inenarrabilia, immo omnem captum humanum excedentia consilia providentiae & gratiae divinae praedicat. *Psalm. CXXXIX: 18.* Profitetur sibi denumeraturo praeterea arena easdem multiplicari. Syracides comparationem instituens inter etatem humanam & eternitatem ipsam eandem ibi proportionem esse affirmat, quae est inter guttam aquae & mare, nec non inter calculum arenae & arenam maris. *Syrac. XVIII: 8.* In hisce itaque locis nemo non videt ad numerum absolute infinitum respici. Sunt vero alia praeterea loca, in quibus multitudini arenae quantitates manifesto numerabiles comparantur; e. g. copia frumenti, quam coacervavit Josephus in Aegypto, *Gen. XL: 49;* item avium, quas pluit in decerto, ut carne abundarent Israëlitae. *Psalm. LXXVIII: 27;* Multitudo exercituum, *Jos. XI: 4;* *1 Sam. XIII: 5;* *2 Sam. XVII: 11;* *1 Maccab. XI: 1;* Vinduarum in Juda, *Jer. XV: 8;* Camelorum in exercitu Midianitarum & Amalechitarum, *Jud. VII: 12;* Dierum etatis, *Job. XXIX: 18,* &c. Quid? quod apud prophanos auctores similes loquendi formulæ ab arena vel pulvere defumtae habentur. Utpote *Ovidius* demonstratus innumera esse mala, quae passus fuerat, hunc in modum canit:

“Tot mala sum passus, quot in æthere sidera lucem:

“Parvaque quot siccus corpora pulvis habet.

“Si vox infragili mihi pectore firmior ære,

“Pluraque cum linguis pluribus ora forent:

“Non tamen idcirco complectere omnia verbis, &c. (m)

Item

Item sic:

“Meque tot adversis cumulant, quot littus arenas,
“Quotque fretum pisces, ovaque piscis habet. (n)

Similiter dum *Qvintus Horatius Flaccus*, Architam Tarentinum, Geometram & Astrologum nobilissimum inducit a nautis petentem, ut cadaver suum, quod ex naufragio in littus ejectum erat, sepelirent.

“Te maris & terrae, numeroque carentis arenæ,

“Mensorem cobibent Archita,

“Pulveris exigui, prope littus, parva Matinum,

“Munera: &c. (o)

(m) *Trist.* Libr. I. Elog. IV. (n) *Trist.* Libr. 4. Elog. I. (o) *Car.* Libr. I. Ode 28.

§. VI.

IN medium prolatis iis locis, quæ arenam ceu rem innumeram atque innumerabilem fistunt, dispi-ciendum jam est, an numerus existentis alicujus rei, quæ per hypothesisin ex prægrandi multitudine componitur, tantus esse queat, ut sit penitus innumerus seu innumerabilis? Est autem numerus innumerus, qui omnes limites excedit; per consequens, qui nullos limites habet; ac proinde, qui computando terminari non potest, h.e. qui innumerabilis est. Pone itaque adesse aliquod ens, cuius numerus ineundus sit; hujus entis partes numerandæ, quæ pro unitati-bus haberi atque ad unam Summam referri debent, aut sunt determinatæ, aut non sunt determinatae. In priori casu erit istud ens numerabile, in posteriori

innumerum atque innumerabile. Etenim in casu posteriori pone illud forte componi ex myriade partium; quia vero per hypothesis, determinatum non est, utrum hæc, an vero aliæ quæcunque partes minores pro unitatibus haberi debeat, hinc mox animadvertes fieri posse ut quælibet harum partium ulterioris dividatur in partes duas, quo factò duas myriades continebit, quæ rursus in quatvor myriades, pari modo, resolvi poterunt, & sic porro. Cum itaque absque termino hæc partium quarumvis assumtarum divisio continuari, ac numerus unitatum proinde augeri queat, patet rei propositæ numerum ineundum omnes limites excedere, adeoque rem istam esse innumeram & innumerabilem.

Contra si partes rei numerandas determinatas sicut unitates, erit horum numerus omnino numerabilis. Hoc si negas; erit ergo innumerabilis, consequenter quoque limitum omnium expers. Pone itaque littera A, designari talem numerum partium determinatarum rei existentis; nemo nisi scepticus negabit fieri posse ut huic numero addantur adhuc decem novæ particulæ seu unitates, assumtis prius particulis homogeneæ & æquales, unde resultabit numerus major = $A + 10$. Manifestum autem jam est, novum hunc numerum majorem suo excessu dato monstrare limites numeri minoris A; si enim a numero $A + 10$ abscindatur pars adjecta = 10, habebitur limes, ultra quem numerus A, non extenditur. Ergo falsum est, esse numerum istum limitis expertem; & per consequens, falsum quoque est,

quod

quod supponebatur, esse scilicet numerum innumerabilem; ideoque numerabilis est. Quod sic generaliter evicimus, ad arenam maris, aut, si mavis, totius telluris, in specie applicari necessum est. Si itaque numero quodam A, designetur summa omnium toto orbe granulorum arenæ, & huic summæ addantur decem arenulæ, sive mente fictæ, sive ex montibus Lunæ in hunc orbem transportandæ; utique Sole meridiano clarus patebit, numerum summæ compositæ decade excedere limitem numeri assumti A; ideoque hunc non carere limite, & consequenter non esse innumerabilem. Quamquam vero sic absolutam possibilitatem numerandæ arenæ, breviter demonstratam dederimus: hinc tamen concludere minime licet ipsam computationem statim æque generaliter posse perfici, juxta proverbium: *a posse ad esse non valet consequentia.* Quemadmodum enim homo est ens finitum, ita etiam facultatibus gaudet finitis, quo respectu, nec sensus, nec vires nec denique actas sufficere possent ad tam amplum perficiendum negotium, quale est determinare, quot particulas arenarum totus orbis in se contineat. Verbo tamen indicasse jubarit, qua ratione *Archimedes* calculum posuerit.

Scilicet supponit is diametrum seminis papaveris non minorem esse digiti parte quadragesima, ideoque Sphæram, quæ digitalem habet diametrum, non majorem esse, quam ut contineat 64000, semina papaveris. Præterea supponit, arenæ numerum, quæ semen papaveris æquet magnitudine, non esse majorem, quam 10000; ideoque Sphæram digitalis diametri, quæ arena foret repleta, non capere majorem arenæ numerum quam 64000000, seu ut obtineatur num-

rus rotundus, minorem quam 1000000000; atque sic postquam liberaliter constituisset telluris ambitum decaplo maiorem, quam ab aliis existimabatur, concludit numerum arenæ, quæ telluris molem magnitudine æquet, repletis ibi tum pelagis omnibus, tum telluris cavitatibus ad summorum usque montium altitudinem, minorem esse, quam mille myriades assumtorum, quas posuerat, numerorum, seu 1000, 0000|0000, 0000|0000, 0000|0000, 0000|0000, 0000 & sic porro. Quis autem non videt Archimedem sic ludere numeris suis, multitudinem vero granulorum arenæ, quæ reapse existunt, præciso numero neutiquam determinare. Etiamsi enim confedamus omnia, quibus computatio innaturat, recte posita esse, ipsamque computationem rite institutam; nihil minus tamen incognitus manet numerus arenarum quærendus, nulla industria humana pervestigandus. Hinc concludi potest, *Auctores Sacros* in locis supra citatis haud respexisse *absolutam*, sed solummodo *Physicam*, & quidem imprimis illam, quæ in relatione ad hominem talis est, *impossibilitatem* numerandi arenas. De qua quidem re tanto fortius convincimur, quanto evidenter constat, DEum O. M. non solum verba *Sanctissima*, eorumque significatum, quantum per naturam materiae substratae fieri potest, sed gratiam quoque efficacissimam, ad nostram infirmitatem ubique clementissime attemperare. Atena igitur, quæ nobis quidem innumerabilis est, si absolutam possibilitatem respicias, numerabilis tamen erit. Novimus enim DEum esse ens perfectissimum, adeoque gaudere cognitione *adquatisima* omnium rerum existentium, cuius intellectus uti est infinitus, ita nihil eum latere potest, quod non cognoscat exactissime & simul. Itaque cum *Syracide* Cap. I. profitemur Eum, qui unus est Sapiens, terribilis valde, sedens super thronum suum, arenam mare, & guttas pluviaæ, & dies seculi enumerare, altitudinemque cœli, & latitudinem terræ, & abyssum pervestigare, cui soli sit nunquam terminanda.

LAUS & GLORIA.